

Балалар мерекесіндегі мерейлі кездесу

Мемлекет басшысы Халықаралық балаларды қорғау күні еліміздің барлық өңірінен келген халықаралық және республикалық...

Көне Тараз тарихы зерттеле береді

Мемлекет басшысы Көне Тараз археологиялық саябағын аралады. Мемлекет басшысына І-ХІХ ғасырлар аралығын қамтитын...

Қазақстан Президентіне қысқа мерзімде жылдық қуаты 300 мың тоннадан 500 мың тоннаға дейін...

Қасым-Жомарт Тоқаев сапар барысында «Көне Тараз» археологиялық саябағын аралады.

Мемлекет басшысына І-ХІХ ғасырлар аралығын қамтитын республикалық маңызы бар тарихи ескерткіш туралы баяндалып, өңірдегі археологиялық қазба жұмыстарының нәтижесінде табылған алтын, күміс тиындрар, керамикалық колонер бұйымдары және басқа да құнды заттар туралы...

Көне Тараздың тарихы әлі де зерттеле береді. Бұл жұмыстарға тұрақты қолдау көрсетіледі. Бұл салада халықаралық деңгейдегі мамандар көп. Бізге университеттерде туризм бизнесі бойынша мамандар әзірлеуді қолға алу керек, - деді Қасым-Жомарт Тоқаев.

Мемлекет басшысы осыдан кейін облыс жұртшылығымен кездесті. Оңірдің ардагерлері, зиялы қауым, азаматтық қоғам және жастар өкілдері қатысқан жиналыста Қазақстан Президенті облыстың экономикалық мүмкіндіктерін атап өтіп, түйінді тарақталмаған бірқатар мәселеге назар аударды.



Сыр бойы

Қызылорда облыстық қоғамдық-саяси газет


1929 жылдың 1 шілдесінен шығады

4 маусым /СЕЙСЕНБІ / 2019 жыл



№81 (19759)

САПАР



С.Омаров, министр: «Облыс әкімдігінің ұсыныстарын қолдаймын»

Қазақстан Республикасының Ауыл шаруашылығы министрі Сапархан Омаров жұмыс сапарымен облысқа келді. Сапар барысында министр облыс орталығы мен аудандарда бірқатар агроөнеркәсіп кешендерін және су шаруашылығы нысандарын аралады. Сондай-ақ, дәстүрлі V малшылар слетіне қатысты.

Министрдің Сыр өңіріне сапары Арал ауданынан басталды. Онда «Көкарал» бөгетінің жұмысымен танысып, «Сырдария өзенінің арнасын реттеу және Арал теңізінің солтүстік бөлігін сақтау» жобасының екінші кезеңін жүзеге асыру мәселелері талқыланды. Естеріңізге сала кетейік, «Көкарал» бөгеті 2005 жылы пайдалануға берілген еді. 2017 жылы арнайы комиссия су жинау құрылысының оң бөлігіндегі ақауларды анықтаған болатын. Бүгінгі күні бөгетті жөндеудің техникалық-экономикалық негіздемесі әзірленді.

Бұл мәселе осы жылдың 7 ақпанында Қауіпсіздік Кеңесінің отырысында да көтерілді. Кеңес қорытындысы бойынша Тұңғыш Президент – Елбасы Н.Ә.Назарбаев Қызылорда облысының әлеуметтік-экономикалық дамуының кешенді жоспарын әзірлеуді тапсырды. 28 мамырда ҚР Үкіметі құжатты бекітті. Аталған Кешенді жоспар өңірдің су шаруашылығын дамыту мәселелерін де қамтиды. Оның ішінде жалпы сомасы 14,7 млрд теңге болатын 15 іс-шараны іске асыру жоспарлануда. Атап айтқанда, бұл іс-шаралар «Көкарал» бөгетін сақтауға және Сырдария өзенінің арнасын қалпына келтіруге, сондай-ақ «Күміскеткен» және «Қараөзек» су қоймаларын салуға бағытталған.

Ауыл шаруашылығы министрі Арал ауданындағы балық өңдеу зауытында да болды. Зауытта жылна 6 мың тонна өнім өндіріледі: мұздатылған балық, филе, стейк және басқа да балық өнімдері бар. Зауытта 60 адам, ал маусымда 100-ге жуық адам жұмыс істейді. Зауыттың өнімдері Ресей, Қытай, Өзбекстан, Польша, Грузия, Әзербайжан, Голландия, Германия және Данияға экспортталады. Сонымен қатар, министр Қазалы ауданындағы тәулiгiне 30 мың тонна сүт өндiретiн «РЗА» АҚ сүт-тауарлы кешенiнiң жұмысымен танысты. Жалпы, «РЗА» акционерлiк қоғамы – облыс көлемiндегi қуатты техникалық және өндiрiстiк базасы, кәсiбiн шеберлiктерi жоғары мамандары, бай материалдық ресурстары бар беделдi мекеме. Ұжымда нақты кезеңде 1300 адам тұрақты жұмыс iстейдi. Сонымен қатар, қоғамға қарасты «РЗА-Агро», «РЗА-Транс», «РЗА-Сүт», «РЗА-Асыл түлiк» тәрiздi серiктестiктерi бар.

2-бет.

ДӘСТҮР

Малшылар слетінің мәртебесі өсіп келеді



Жаңақорған ауданында дәстүрлі V малшылар слеті өтті. Шараға облыс әкімі Қырымбек Көшербаев, ҚР Ауыл шаруашылығы министрі Сапархан Омаров, «ҚазАгро» Ұлттық басқарушы холдингінің Басқарма төрағасы Ербол Қарашоқиев, қаржы институттары басшылары, мал шаруашылығы ғылыми-зерттеу институттарының жетекші ғалымдары, сондай-ақ Атырау, Ақтөбе, Батыс Қазақстан, Жамбыл, Қарағанды және Павлодар облыстарынан өкілдер қатысты.

Слет аясында жергілікті ауыл шаруашылығы тауарын өндірушілердің өнімдері, ветеринарлық техника және жабдықтарының көрмесі ұйымдастырылды. Сонымен қатар, семинарда селекциялық мал шаруашылығын дамыту және ауыл шаруашылығы өнімдерінің бәсекеге қабілеттілігін арттыру мәселелері талқыланды.

«Бақытжан» ШК (мұнда «әулиеата», «акбас» және «ангус» тұқымды ірі қара мал өсіріледі) репродуктивті шаруашылық алаңында мал шаруашылығын дамыту үшін өзекті мәселелер бойынша семинар, бейресми кездесулер ұйымдастырылып, қатысушылар өзара тәжірибе алмасты.

Слеттің салтанатты ашылуында облыс әкімі Қырымбек Көшербаев соңғы жылдары мемлекеттік қолдаулардың арқасында мал шаруашылығында тұрақты даму тенденциясы бағытталған инвестициялар өсіп келетінін атап өтті. Мәселен, соңғы 5 жылда аграрлық салаға салынған инвестиция көлемі 27 есеге ұлғайып, экспортталатын өнім түрлері 3-тен 16-ға дейін артып отыр.

«Мал шаруашылығына тұрақты қолдаудың арқасында облыста мал басы өткен ғасырдағы ең көп болған

1993 жылдан асты. Соңғы 5 жылда ет өндірісі 2,8, сүт өндірісі 1,7 есеге артты. Елбасы «Аграрлық сектор – экономиканың жаңа драйверіне айналуы» қажеттігін ерекше атап көрсетіп, аграршылардың алдына еңбек өнімділігін және қайта өңделген өнімдердің экспорттың 2,5 есеге арттыру туралы мақсат қойғанын жақсы білесіздер. Осы тапсырмаларды орындау мақсатында біз облыстың ауыл шаруашылығы өнімдерін өткізу рыноктарына кешендік маркетингтік зерттеулер жүргізіп, нәтижесінде, облыстың агроөнеркәсіп кешенінің 2022 жылға дейін дамуының «Агрокарта-сы» әзірленіп, іске асырылуда. «Агрокарта» аясында ауыл шаруашылығы өнімдерін экспорттау көлемін 2021 жылға қарай 5 есеге дейін ұлғайту жолдарын айқындадық», - деді аймақ басшысы.

«Агрокарта» аясында мал шаруашылығы саласында бірқатар ірі жобалар іске асырылуда. Мәселен, «Сыбаға» бағдарламасы аясында шет елдерден асылтұқымды ірі қара мал жеткізіліп, облыста 8 репродуктивтік шаруашылық ұйымдастырылған. Сонымен бірге, аймақ халқың сапалы экологиялық таза табиғи өнімдермен қамтамасыз ету үшін 1200 басқа арналған сүт өндіру кешенінің,

мың басқа арналған екі бордақылау алаңының құрылыстары жүргізілуде. Ет, сүт шаруашылығын дамытумен қатар, облыста 5 құс шаруашылығы ұйымдастырылып, жұмыртқа өндірісі 1,6 есеге артты.

«Осылайша, облыста ет экспорттың қамтамасыз етуінің негізі қаланды деп айтуға болады. Өңірде жылна 25 мың бас мүйізді ірі қара малын бордақылайтын ірі және орта мал бордақылау алаңдары жұмыс жасайды. Облыстың ауыл шаруашылығын буферлік аймақтан шығуының арқасында Иранға, Біріккен Араб Әмірлігіне, Монголияға, Ресейге, Өзбекстанға тірелі қозы, ірі қара малдарын етке экспорттау басталды. Ет өнімдерінің экспорттың ұлғайту үшін биыл жылна 5 мың тонна ет өнімдерін өндіретін, халықаралық стандарттарға сәйкес келетін ет компаниясы іске қосылатын болады. Келешекте ет-сүйек ұнын өндіретін, балық жермін шығартын және жүн, тері өндіретін өндірістерді дамыту жоспарлануда», - деді облыс басшысы.

Бұл ретте министр Сапархан Омаров: Барлық салалық ұйым өкілдерінің қатысуымен өткен осындай ауқымды шараға қатысқанға қуаныштымын. Мемлекеттік «Сыбаға» бағдарламасын кезінде алғашқылардың бірі болып Қызылорда облысының қолдап, жүзеге асырғанын және жақсы нәтиже көрсеткенін ерекше атап өткізіп келеді, - деді.

Дәстүр бойынша слет аясында аграрлық саланың үздік кызметкерлері марапатталды. Іс-шара концерттік бағдарлама мен ұлттық спорт түрлері сайыстарымен жалғасын тапты.

2-бет.

Кешенді жоспар: Алдағы міндеттердің ауқымы кең

Өткен аптада Үкімет Қызылорда облысын әлеуметтік-экономикалық дамытудың 2019-2022 жылдарға арналған Кешенді жоспарын бекітті. Бұл құжаттың аймақ үшін маңызы зор болғандықтан, оны іске асырудың тетіктері облыс әкімі Қырымбек Көшербаевтың төрағалығымен облыс әкімдігінің мәжілісінде талқыланды. Мәжіліс басталмас бұрын аймақ басшысы бірқатар кадрлық өзгерістермен таныстырды.

Гүлжазира ЖАЛҒАСОВА.

Облыс әкімінің орынбасары Қ.Ысқақовтың айтуынша, Кешенді жоспар 12 бөлімнен, 119 іс-шарадан құралған. Құны – 219,7 млрд теңге. Оның 156,7 млрд теңгесі республикалық бюджеттен, 50,6 млрд теңгесі жергілікті бюджеттен, 12,4 млрд теңгесі басқа көздерден қарастырылған.

Баяндамашы өнеркәсіп, ауыл шаруашылығы, кәсіпкерлік, көлік инфрақұрылымы, тұрғын үй-коммуналдық шаруашылығы, экология және табиғатты пайдалану, халықты әлеуметтік қорғау, денсаулық сақтау, спорт салаларына, су тасқынына қарсы іс-шараларға, тұрғын үй құрылысына, инженерлік-коммуникациялық инфрақұрылымды дамытуға бағытталған жұмыстарға тоқталды.

Кешенді жоспарда қарастырылған, әсіресе 2019 жылғы іс-шаралар бойынша салалық министрліктермен, ең бастысы, Қаржы министрлігімен тығыз жұмыс жасап, әр позицияда қаралған қаржыны республикалық бюджеттен бүтіндей облысқа келуін қамтамасыз ету қажет, - деді ол.

Облыс әкімінің орынбасары Е.Кимнің айтуынша, Кешенді жоспарда тұрғын үй-коммуналдық шаруашылық саласына қатысты газбен, сумен және жылумен қамтуға, су тартуға арналған 35 іс-шара бар. Алдағы 2020 жылдың соңына дейін Жосалы, Жалағаш, Теренөзек және Жақсыкылыш кентіндегі 45 мың тұрғын газбен қамтылады. Ал 2021 жылдың аяғына қарай Қазалы қаласы, Төретам мен Ақай ауылдары, 2022 жылы қала іргесіндегі Наурыз, Махамбет ауылдары және Арал ауданындағы Сексеуіл қыстағы газға қосылады.



Сонғы жылдары аймақта 32 шақырым жылу желісі қайта жаңғыртылған. Ал Кешенді жоспарда жылу-электр орталығын кеңейту және жаңғыртуға, Қызылорда қаласының жылу желілеріне 22,8 млрд теңге қаржы қаралған. Сумен жабдықтау және суды тартуға арналған 14 іс-шара орындалғанда 111 мың адам үздіксіз және сапалы сумен қамтамасыз етіледі.

САЛТАНАТ/2 Өнерлі жастар шеруі

ОҚЫС ОҚИҒА/3 Су – тілсіз жау

ҚАЗАҚ КҮРЕСІ/4 Жерлестерімізге жеңіс тілеуіміз



2019 жылдың екінші жарты-жылдығына "Сыр медиа" ЖШС қарасты газеттерге жазылу жүргізілуде.





